

四庫全書

子部

欽定四庫全書

子部

普濟方卷三百七十

詳校官太醫院吏目臣周世泰

編修臣倉聖脈覆勘

總校官進士臣繆 琪

校對官中書臣朱 沂

謄錄監生臣孫祥鳳

欽定四庫全書

普濟方卷三百七十

明周王朱橚撰

嬰孩驚風門

急驚風

附論

夫急驚風證候上竄反張搐搦口流痰涎壯熱并有之
其或視左視右者有僵有仆僵仰也屬陽
仆俯也屬陰拳握指有裏
外醫分男女定陰陽順逆之理有左右引搐連脚
手身體顫動初則搐搦俱作久而搐作只搦有急有緩

但只肩動曰癥癰者候之輕也搐則甚也搦又重也反張牙關緊急喉中有涎即是驚風候如牙關不緊口無痰涎只反張搐搦上竄者未可便作驚風候蓋夾驚夾食傷寒疹豆或三焦蘊熱五臟不宣流入經絡熱在筋脉亦作搐搦錢氏云搐有真假不言病也前有云急驚量其分數者是約熱之輕重而與利之○若是證候氣粗涎潮其證候猛急不只徐徐而來搐即急促唇口眼眼眨引連併諺云急驚驚驚爺娘慢驚驚藥王然雖說之

有法輕重調理○先當定搐搐由風也風由熱也搐既已定方可下熱退驚熱若不退驚亦不散不移其時搐搦又作謂過街候乃是醫家不明纔見搐定便言勿藥急驚風難治有三初驚時其風癇發作斟酌輕重去風定搐隨而愈之斯恐庸醫或常人執見妄便下之既下了諸證猶存者一難治也又其兒正搐親人便執定不令渠搐其風癇不得縱恣逆入經絡藥力不及雖病減瘥根在血脉或注經絡二難治也又兒患候有順有逆

順既易理逆自難療惟恐病延既久不得良餌證候傳
變越去原因而作他證三難治也○湯氏急驚發熱證
歌先自有驚身體熱那更傷寒傷風兼失節兩臉斑紅
一似丹口開氣促心欲絕先表方知醫有功次與解驚
神妙訣微微利過自清涼但管安和必懼悅忽然身熱
便生驚髮豎毛乾渴又青且看額間微有汗次觀印內
上青筋掌裏一如桃色潤心中怕忽作涎聲良醫妙手
施湯藥若得安和便可生方發驚風看握拳指內指外

細須言陰內陽外為順候男左女右搐令全用藥開
關雙眼下又將形候細詳看只怕毒涎衝入肺心中
若聚更堪憐速與控涎為妙手療驚解熱未為然仰
頭逆搐難求效目瞪身強入九泉多啼急搐更頭偏
定是風傳氣不宣先看眼中微淚下始知此病有根
源面紅病作非瘥候愛哭心中且聚涎臉有紅筋瘤
已變指紋青亂患相傳紅淨為安體則寧如逢紅黑
便為驚更兼紅亂青尤甚取下風涎藥有靈先看孩

兒眼色青次看背上冷如冰陽男搐左無妨事忽逢
搐右使人驚女搐右邊猶可治搐於左畔病非輕歪
斜口眼終為害妙藥靈方不會寧搐來三度便成癇
何故胸中聚毒涎恐被醫人重疊取驚風不定候相
傳兩眼有如羊白腫更加眵膜不能痊大衝有脈猶
堪治如沒醫人不敢言。凡嬰孩急驚風候切須審
察四證之中而作八候八候者一搐二搦三掣四顛
五反六引七竄八視也一搐者臂與足時搐縮二搦

者十指開合搦之不已即成握拳男子看大拇指其指
握在外為順在裏為逆女子反看之三掣者肩膊搐掣
或連身跳起四顫者或手或脚或頭或身四體顫動五
反者身手反張六引者以手有如挽弓狀男子左手直
右曲為順右直左曲為逆女子反看之至所云七竄者
看其眼上竄觀高男子上竄為順下竄為逆女子反
看之八視者男子斜目視左為順視右為逆女子反看
之四證八候次第隨生若只去得驚風其痰熱不散未

可言安痰與熱聚將來必致癇疾所治之法其痰與熱須詳察可否即下之痰熱既下驚風未盡消去則病依前又有發作所言四證相須本無痰而後痰盛初有搐而後不作者此證候所傳之至甚人少知之蓋有明醫之人常能審量輕重下之得于其中為良且驚風頓去痰熱又已化不作後患所下之藥稍稍多巴霜膩粉為重即傳慢候無疑○急驚欲下之理須在急驚上竄斜視反張所作之時方可若傳過即已擣定少緩之間未

可即便緊下○急驚用藥先與服截風定搐次與下熱
熱去則無風風散則不搐○急驚有上竄者有搐有搦
有引有反有僵有仆有呻者或喉者有痰涎潮盛有溫
狀發作各隨四證輕重而受之急驚截風定搐為要風
搐既定諸證漸消定搐須用通關非出鼻之謂通
截風乃用調絡○急驚風吼呌三兩聲者難治心受驚觸痛絕於內
乃傷其根本之謂○急驚風未投藥四證俱全已服藥
四肢垂蟬者難治○急驚噴藥者難治又藥不下者難

治○急驚搐搦之後四體俱軟者難治○急驚發作之時脚作擺跳者難治○急驚搐搦之時目睛翻轉不可治○驚風搐搦已住神情緩慢手擣姆衣或擣自身體者亦不可治○急驚迺卒然得之初發潮熱目直視牙關緊急手足搐搦面紅甚頭額遍身汗出口中熱氣大小便黃赤其脉浮數宜用通關服通心飲大凡驚風乃心受驚肝主風致筋脉搐搦肝又主筋宜涼肝丸大青膏錢氏云治急驚風世人多用一藥有性溫性涼不可

孰用宜審別之又治慢驚宜去龍腦縱須合用必以藥
為佐宜少用之凡小兒實熱躁轉後如無虛證不可妄
泄邪熱必須主治驚風痰熱堅疳能不用水銀輕粉甚
便如不得已用之僅去痰即止蓋腸胃易傷亦損口齒

方

定生丸

出聖惠方

治小兒急驚風遍身壯熱筋脉不利手

足抽掣口噤面青痰涎壅滯及疳氣所攻肌體瘦弱

雀兒飯甕

一兩內有物者

蟾蜍

一兩塗酥炙令焦黃

猪牙皂莢

一分去皮塗酥
灸令焦黃去子

烏蛇半兩酒浸去
皮骨灸令黃

天麻一
分

藜蘆半分去
蘆頭

乾蝎一分微黃
爪蒂一分

天南星一
分

炮製龍腦一分
細研

雄黃一分
細研

麝香一分
細研

膩粉

一分曲頭棘針一分
細研

蟻娘一分微炒
去翅足

半夏半分
湯洗

七遍去滑

熊膽一分
細研

牛黃一分
細研

右為末以猪膽汁和丸如菉豆大每服先以溫生薑湯研一丸灌在鼻內得嚏後以生薑薄荷湯下三丸量兒大小以意加減

救生丹

出聖惠方

治小兒急驚風四肢搐搦多涎沫身熱

如火心神驚悸發歇不定

龍腦

鉛霜

雄黃

硃砂

蘆會

胡黃連

麝香

牛黃

天竺黃

曾青

真珠末

犀角

屑

乾蝎末

金箔

銀箔各五
十片

雀兒飯甕

三七

枚內有物者

右都研末五月五日合用大活蟾十枚於眉間各取
酥少許同研令勻入飯和彈子大着箇椀內黃稍活

蝎四十九枚着椀內令藥彈觸蝎毒蟄入藥內候毒
盡放蠍然後重研藥彈令勻丸如菉豆大不計時候
以薄荷汁先研一丸滴在鼻內男左女右候嚏即以
薄荷湯服兩丸量兒大小以意加減

犀角丸

出聖惠方

治小兒急驚風遍身壯熱心多驚悸睡

卧不安手足跳掣胸膈多涎

犀角屑

一分牛黃

一分細研

麝香

一分細研

龍腦

一分細研

水銀

一分

天麻

一分

天南星

一分

天竺黃

一分細研

白附子

一分
炮製

桂心

一分

蟬殼

一分

烏蛇肉

一分

乾蠍

一分
分

鉛霜

一分

硫黃

一分
結砂子細研

與水銀

右並生用擣羅為末入牛黃等同研令勻鍊蜜和丸如菉豆大不計時候以薄荷湯下三丸量兒大小臨時加減

定命丹

出聖惠方

治小兒急驚風

蟾酥

紅豆大

桑螵蛸

一枚

獨角仙

半錢去皮及翅膀足

天

漿子

七枚

犀角屑

半兩

牛黃

半兩
細研

雄黃

半兩
細研

硃砂 丰兩 細研 水龍過

天竺黃 半兩 細研

麝香 一分 細研

青

薰 半兩 細研

天南星 兩 半兩

白附子 兩 半兩

乾蠍稍 一分

臘粉 一分

龍膽

右並生用擣羅為末以獐猪膽汁和丸如黃米粒大
每服先以溫水化破一丸吹鼻內得嚏五七聲即以
薄荷水下二丸量兒大小以意加減

龍腦丸

出聖惠方

治小兒急驚風身熱口噤四肢攣搐

龍腦細研

雄黃細研

蘆薈細研

丁香

牛黃細研

木香 犀角屑 鉛霜細研 天漿子 胡黃連

蠍尾微炒 白花蛇酒浸去皮骨炙微黃已上各一分 蟠酥半分研入

右為末鍊蜜和丸如梧桐子大每服以桃心湯研下
三丸量兒大小以意加減

天麻丸出聖惠方 治小兒急驚風四肢抽掣拘急壯熱或
則口噤

天麻 細研 雄黃細研 烏蛇肉 蟬殼 乾蝎 麝香
天竺黃細研 桂心 天南星 白芷 白附

子 腸粉各一 半夏一分湯洗

七遍去滑

右並生用擣羅為末研勻煮棗肉為丸如菉豆大不拘時候薄荷酒下三丸量兒大小以意加減服之

硃砂丸

出聖惠方

治小兒急驚風痰涎口噤手足抽掣

硃砂

細研

犀角屑

鉛霜研入

天南星炮製

半夏

湯洗七遍去滑

白附子炮製

細辛 桂心 白僵蠶微炒

乾蝎微炒以上各一分

右為末一半用無灰酒一中盞熬為膏入其餘藥末

同和如菉豆大每服用生薑自然汁少許入竹瀝一
合煖令溫下二丸量兒大小以意加減服之

定搐散

出永類
鈴方

治小兒嬰孩急驚風四證八候俱作

者宜服

天麻 白附子

炮

天南星

炮各半兩

硃砂

一錢

雄

黃

一錢

乳香

一錢

代赭石

一兩火煅醋淬七次

白花蛇頭

一分
酒浸

腦子

一字

麝香

赤脚蜈蚣

一條
酒浸

右為末每服半錢煎金銀薄荷湯調下鍊蜜丸如雞

頭大亦佳○搐證未作痰熱壅盛故生風風不自散流於筋脉又入經絡遂發搐搦定其搐搦先用截風風若不加則搐搦自息矣且搐搦已作痰熱尤盛證候傳極其風不可得而截搐不可得而定由如遺漏炎熾猛烈難以撲滅如此患者理宜下之大抵陽癇用下乃良陰癇何以加之兒分長幼用藥惟有發風作搐大小皆然風之為疾猖獗衝突乃五臟虛處受之察之在證療之在未萌由驚而作或疾與熱而審

其源而定其疾者要也有其風即發搐有其搐即因
風截風定搐其議相續今述截風散不待搐搦纔覺
風痰驚熱有作便與服之令不搐搦故曰截風既已
搐搦併作宜與定搐散禦之禦之不散與服煖金丹
其勢加重即與下之且下不用截風定搐之藥得失
議皆由忽遂皆感

煖金丹 治嬰孩小兒急驚八候四證未全脫去尚存
風熱痰涎其驚風證候欲再發作宜與服之

天麻分一

全蝎二十一個

白花蛇

炙取肉二錢如無以烏梢蛇代

用天南星半兩

炮半

辰砂另研半兩

麝香一錢

蜈蚣

赤脚者二條

灸去了毒

一

白殭蠶二錢重

去絲炒

黑附子尖三枚

白附子一分

牛黃一錢

白殭蠶二錢重

去絲炒

牛黃牛膽代之加用

右為末鍊蜜為丸如皂角子大煎金銀薄荷磨化下

○所患驚風痰熱四證皆上竄斜視反張惟是驚風作搐名曰真搐為其病受不傳即作痰熱所發或因傷寒等疾發作總名假搐為其更有傳變其時倉惶

醫者昏惑投藥不當發作致久雖假搐失治或不當
則傳入經絡又成真搐無可疑貳其病在痰熱手不
促拳目無斜視且兒知其非常動作故驚惕驚成傳
風驚風相襲何謂候假之有又其醫工察無全功療
治有失節藥參證候不同禍害生焉煖金丹者清心
肺而攻痰涎妙餌夫風候出乎肝驚病發乎心若清
心肺則肝受制而風不加傳即可療理

白附子丸

出聖惠方

治小兒急驚風手足抽掣

白附子

一分
炮製

白薑

一分
炮製

蟻娘

一分
去翅足微炒

麝

香

一分
細研

乾蝎

半兩
微炒

蟾酥

半錢
細研

烏蛇肉

三分
酒拌炙令

麝

牛黃

一分
細研

硃砂

半兩
水飛過

青黛

半兩
細研

甜葶苈

一分
炮令紫色
隔紙

天漿子

一七枚內
有物者

右為末以猪膽汁和丸如菉豆大每以冷水研一丸滴在鼻中候嚏一兩聲後便以溫水研三丸服之或吐出粘涎得睡便瘥

芎活湯

出千
金方

治急驚風角弓反張不隨并蟬癩僻不

能步行

人參 黃芩 杏仁 石膏 各一
錢

麻黃 甘草

桂心 茯苓 升麻 當歸 去尾 獨活 各三
錢

右剉散每服二錢水一盞生薑二片煎服少取汗得

汗以粉粉之

保命丹

出活幼口議

治嬰孩小兒急驚風後傳慢驚宜服

麝香

半字

白茯苓

硃砂另研

白附子

炮

天南

星 炮

如無以膽星代用各一錢兩

牛黃

如無以膽星代用各一錢兩

全蝎

炒半兩

天麻

炒一

半錢 甘草 炙一
錢 一 硼砂 錢 腦子 半錢

右為末薄糊為丸如雞頭大每服一丸金銀薄荷湯化下義曰此一方已述靈秘所治急傳慢候用之極良此藥純和却驚安神能化痰定搐功效非常然急驚傳來初入慢候須較陰陽虧盈乃為法則陰盛陽虧方謂陰癇榮虛衛弱方傳陰癇心驚神散方傳熱熱經渠絡弱方傳熱熱癇之為病四體不收精神失守百病千邪五臟受虛但隨四證而作八候醫工當察

標本理之若證傳候變即入慢肝十死一生至為難
事請究所受療理合于古意或太過不及總為虛設
定搐散出直指方 治急驚風定搐

赤蜈蚣

大者一條酒浸炙

麻黃去節

南星炮

白附子

直殭蠶

炒

羌活

代赭石

煅醋淬七次

蝎梢川

薑黃

各二錢

麝香

半錢

硃砂

一錢

右為末每服一字荆芥紫蘇煎湯調下如搐不止加

烏蛇肉

鶴壽丹

出聖惠方

治小兒急驚風口噤手足抽掣眼目直

視多吐涎沫四肢壯熱

天漿子

七枚內有物者微炒

半夏

一錢細研

牛黃

一錢

蟬殼

二

青黛

一錢細研

地龍

二條

蟾酥

一錢研入

麝香

一錢

半兩細研水飛過

防風

半兩去蘆頭

蠶紙

一張燒灰

麝香

細研

烏蛇

半兩酒浸去皮骨炙令黃

右為末鍊蜜和丸如黍米粒大不計時候以新汲水研下二丸量兒大小以意加減服之

天竺黃散 治小兒急驚風候 搗搊發作常方療治
不堪者宜服

天竺黃

真者二錢

天南星

炮二錢

草烏

尖面者一分

馬

牙硝

二錢

丁香

一錢不見火

膩粉

半錢

龍腦

真者二錢

川鬱金

一錢

白殭蠶

去絲炒二錢

腦子

半字

麝香

半字

右為末和入腦麝每服半錢許煎金銀薄荷湯調下
纔通即使涎下次用益神丸清心丸兼參苓散與服
○凡兒所患驚風前人用藥截風定搐不住熱壯候

存者當用此方痰涎已下熱退風搐既定即與和平
調順胃氣安神定志不可更下熱藥其候再作依前
又搐搦此方亦非常服直下痰涎妙不可述痰既下
其驚風自然而息分服太過恐利動臟腑

雄黃丸

出聖惠方

治小兒急風四肢抽掣口噤上視

雄黃

乳香

丹砂

牛黃

各一錢

鉉霜

熊膽

蝎梢

麝香

蟾酥

枯礬

各一分

右同研令極細以糯米飯和丸如菉豆大每服三丸

溫水下不拘時候量兒大小加減

剪刀股丸 治小兒急驚涎盛搗搗

大戟漿水一
盞畧煮

粉霜

研各二錢

棘剛子

連肉四
十二枚

蘆薈

研一錢

乳香

研二

蝎梢二十一枚
全者炒

牛黃

研半錢

青黛

研二

錢

研半錢

右為末用湯浸雪糕為丸如梧桐子大每服一丸用
剪刀股研破濃煎薄荷水化下如口噤即幹開灌之
益神定志丸 治嬰孩急驚風證候發作已過神不安

穩恍惚怯人怔忪煩惄悶鬱不爽宜服之

人參 茯神去心 遠志去心 白茯苓 白附子炮

天麻 天門冬去心 麥門冬 羌活 甘草炙各等分

右為細末鍊蜜和丸如皂角子大硃砂為衣燈心薄
荷湯化下○兒心本恬神本守心魂魄存乎肝肺驚
風出乎痰熱由其鼓動心神反亂血氣則風與驚流
布四肢百脉五臟六腑何以自安三關九竅何以自
通若先以所治之藥令得氣脈平和心神安定由其

尚未寧貼恍恍惚惚恐悸者有之矣宜與此方存養
魂魄安定心神脉全氣固血調神爽其或熱存經絡
痰留臟腑不可涼以巴粉大黃黃芩之藥但益神清
心調脈定志常服此方驚風不再作矣

天麻防風丸 治風蘊邪熱驚風搐搦

方見本門一
切驚風類

青金丸 治小兒急驚搐搦

龍腦 脂粉 青黛 乳香 天南星

各一
錢

鉛

白霜

粉霜

定粉各半

錢
炒
微

天槳子各七

枚

右為末石腦油和成劑旋丸如黑豆大每服一丸至二丸量大小加減並薄荷水化下

返魂丸子

出聖惠方

治小兒急驚風

獨角仙

三枚去翅足於甃合內燒勿令煙出研為末

白殭蠶

半兩微炒

白附子

半兩炮製

天南星

半兩炮製

牛黃

半兩細研

青黛

半兩研入

乾薑

半兩炮製

甜葶藶

半兩炒令紫色

烏蛇肉

半兩

黃芩令

硃砂

半兩細研水飛過

右為末用猪膽汁并蟾酥和丸如粟米大先以酒化一丸滴在鼻內即以酒或水下二丸若不嚏則不再

下藥

百靈丸

出聖惠方

治小兒急驚風化涎除搐搦

黑鉛

一分

水銀

一分以上二味同結作砂子細研

天南星

一分炮製

白附子

一分炮製

乾蝎

一分微炒

天麻

一分

蟬殼

一分微炒

麝香

一分細研

牛黃

一分細研

右為末糯米飯為丸如黍米大不計時候溫酒下三

丸

輒紅丸 治小兒急驚身熱涎壅拘急牽掣口噤上視

丹砂研

膩粉各一
分研

龍腦半錢
研

蝎稍一錢
擣末

水銀

沙子二錢結

礞砂研

粉霜各一錢
半研

半夏二
七

枚湯洗七遍
焙乾擣末

巴豆五十粒
膜不出油研

右為末鍊黃蠟一兩入熟油少許同藥末研勻為膏
旋丸如菉豆大每服二丸至三丸量兒大小虛實龍
腦膩粉水下

擒風湯

出聖惠方

治急驚風定搐

白附子

殭蠶

全蝎

各焙一錢

川薑黃

南星

炮

赤蜈蚣

一個去足薄荷汁浸酒研生薑生一宿焙乾

麻黃

去節

羌活

各一

錢

牙硝

半錢

右為末每服一字薄荷湯調下

鎮肝丸

治小兒急驚風目直上視潮搐昏亂不省人

事是肝經風熱也

天竺黃

研

生地黃

竹葉

當歸

防風

以上各二

錢半 草龍膽 川芎 大黃 煨 羌活 各二
錢半

右為末鍊蜜和丸雞頭大每服二丸糖水化下先服此後

服天
黃散

天麻散一名定命飲子 治小兒急風其効如神及大人中風

涎盛半身不遂語言難不省人事

方見本門慢驚風類

定命丹 治急驚天癎撮口通利痰熱

全蝎七個 天麻 南星炮 白附子各二錢半 珠砂

青黛各一錢半 輕粉 麝香各半錢 腦字

右為末粟米糊丸如菉豆每服一丸荆芥薄荷湯調
下先研半丸吹入鼻中

金箔丸 治急驚風涎盛

天南星

剉炒熟

白附子

炮

防風

去蘆頭培

雄黃

研

辰砂

各一錢研

生犀末

半錢研

牛黃

龍腦

麝

香

各半分六錢研同研

半夏

湯浸七次研

金箔

二十片

右為細末薑汁糊為丸如麻子大每服三五丸至二

十九人參湯下

錢氏方云如治慢驚去龍腦服無時

鎮心丸 急驚化痰鎮心

硃砂 龍腦 牛黃各一錢 鐵粉 琥珀 茯神

防風各二錢 全蝎七個焙 人參二錢

右為末煉蜜丸如梧桐子大每服一丸薄荷湯調下
如無牛黃以牛膽南星代之

白虎丸 治小兒急驚及天癧客忤

青黛 麝香 白牽牛末 甘遂末 寒食麪

大黃末各三錢 脓粉 龍腦 粉霜各一錢

右各研細和勻滴水丸如雞頭實大每服半丸一丸
磨刀水化下量兒大小加減微利為度

雄黃丸 治急驚風牙關緊急筋脉抽掣腰背強硬口
內多涎

雄黃

一錢
細研

麝香

一錢
細研

牛黃

一錢
細研

硃砂

一錢
細研

臘粉

三錢
細研

巴豆

七枚
紙裹去皮心研

半夏

二錢
湯洗

七遍去滑

天漿子

十枚
物者微炒

水銀

一錢
研令星盡

右為末入水銀膏同研令勻煉蜜和丸如黍米大不

計時候以溫酒下二丸量兒大小加減服之

搐聖丸 治小兒急驚風搐搦不止

白附子一

白僵蠶一

赤箭一

半夏一

天

南星一

膩粉半分

研入

伊勃一分

烏蛇肉半

兩

右並生擣羅為末用酒薄荷汁各半盞同煎為膏和丸如菉豆大不計時候以溫清酒送下三丸看兒大小加減服之

巨聖散 治小兒急驚手足瘺癰咽膈涎盛

大黃 乳香

研各二錢

麝香

研半錢

丹砂

研一錢

膩粉

二錢細研

雄黃

研半錢

蝎梢

炒

白附子

炮各一錢

右擣研為細散每服一字或半錢薄荷湯下更量兒

大小加減服之

牛黃丸 治小兒急驚化涎鎮心

牛黃

研

蝴蝶

微炒

天南星

炮搗

膩粉

研

半夏

湯洗七遍焙

麝香

細研各一分

天漿子

三七枚

丹砂

研半

兩

右為末燒粟米飯和丸如黍米大每服三丸五丸荆
芥湯下不計時候量兒大小如意加減服之

天漿子丸 治小兒急驚風

一名麝香丸

方見本門急驚風類

虎蝎丸 治急驚上視搐搦胎風涎潮

虎睛

一對酒炙

全蝎

炒

天麻

防風

南星

煨

直殼蠶

炒

烏蛇肉

酒浸熳各一分

麝香

一錢

右為末麪糊和丸如桐子大每服一丸薄荷湯調下

珍珠天麻丸 治急驚風痰熱壅盛當量用之以通為

度仍治吊腸鎖撮肚口至効丸如麻子大初生三日

三丸五日五丸七日七丸加青黛名黛丸

天南星

炮

天麻

白附子

炮各一錢

臘粉

半錢重

巴霜

一字

蕪荑

炒

全蝎

麪炒

滑石

各一錢半

右為末水煮細麪糊為丸如菉豆大每服一歲五丸
二歲十九大小加減薄荷湯點茶送下○此方乃下
驚風又去痰熱先服截風定搐次與下之切不可以
多利之但通為量宜詢問前未曾下惟恐病家不曉

此理遂致踈失若初醫在我則當循證截風定搐或
朱蝎散尚有痰熱宜與下之免作風候且小兒被驚
發風胡不知有熱在臟若知有熱在臟甚勿驚著蓋
熱盛即心氣虛一驚觸心心氣迸散所以面青唇白
良久驚風氣却收其或肝虛入肝肺虛入肺五臟六腑
皆由虛處其驚氣自然投入因而成病前歌亦載然
急驚之急痰熱相觸觸亂神情氣脉互馳經絡乘熱
熱即生風風熱不散筋吊脉縮或搐或搦或掣或引

各於輕重而然善醫者截風定搐有熱與痰隨而下之其搐搦自定拳攣自舒吊縮自寬風熱自散何患氣不甦省神不和暢

牛黃散 治嬰孩小兒急驚風腳手搐動八候俱作

全蝎六個炒 巴霜一
字 輕粉半
錢 雄黃三
錢 硃砂

川芎金一分皂角水煮
熱培乾再炒

麝香 腦子各一
字

右為末和勻每服一字半錢煎金銀薄荷湯調下○此方醫急驚風至良但審輕重投劑一服減瘥此非

常服亦非調理之餌正值關竅閉塞痰涎壅塞或氣不宣通經絡不順心神悶亂者服頓甦周身通利或已取利不宜與服反成滌蕩矣療急驚風痰壅并宜其通下痰涎既下即便助胃觀音全蝎散速用連服未藥之前不可躊躇稍定之後不可荒畧若審察其候痰涎復作豈可更下須於慢證候理之病家意急荒用他藥或爾投藥參差誤矣

龍腦水銀丸 治小兒急驚并宣轉風熱

龍腦 研

麝香 研各一錢

猪牙皂莢 炙

甘遂 各一分

臘粉

研一錢

青黛 研

水銀 結沙子各二錢

巴豆 去皮心膜

研七粒
不出油

右為末麪糊丸如麻子大一歲一丸更量病緊慢及兒大小加減用薄荷湯下

天南星丸 治小兒急驚風痰涎壅毒壯熱腹脹

天南星

炮製

硃砂 細

研

水銀 以少棗肉研入令

星盡各一分半

金

箔

二七片

銀箔

二七片

麝香 一錢

研細

巴豆

二枚

去皮心研紙
裹壓去油

右擣羅天南星為末都研令勻煉蜜丸如黍米大一
歲兒每服以溫煖水下一丸取下惡物為効二歲以
上加丸服之

蝎尾散 治小兒急驚風神効

蝎尾 二十一
枝生用

白附子 二七枚
生用尖

膩粉一錢
研入 附

子尖 二七枚
生用

半夏底 七枚湯
洗去滑

天南星底 七枚
生用

烏蛇尖 七枚去
皮生用

右為細末每服以薄荷調下半字若兒在百日內者
一字可分為四服如要作丸即以棗肉和丸如菉豆
大以馬蘭草湯下一丸臨時看兒大小加減
必勝散 治小兒急驚風

天南星

炮研

甘遂

全蝎

炒各一分

巴豆

去皮心膜
出油七粒

丹砂

研一錢

麝香

研半錢

右為細散每服一字要吐瀉酒調下取涎薄荷湯調
下未周瞬兒減之

揭風湯 治小兒嬰孩急驚風四證八候俱作者宜服

全蝎

用麪炒去
毒一分

天麻一

分

天南星一

兩為末水
調作劑包裹

蝎

喂令赤色
不用炒亦得

硃砂一

錢另研

輕粉半

錢重

腦子

麝香

許各少

右為末每服半錢煎金銀薄荷湯調下以通為度

天霜散 治小兒急中卒風并急驚口噤搐搦涎盛昏

塞不語

辰砂

粉霜 輕粉 南星

半兩

炮各

蝎尾

白附

子藿香

葉各一錢

右為末一歲抄半字薄荷湯調下茶清亦可未吐再服以吐為効

七味羌活膏

治急驚風壯熱發搐

方見本門急慢驚風類

牛黃散

治小兒急驚風壯熱筋脉拘急腰背强硬時

發搐搦

牛黃

一分細研

麝香

一分細研

乾蝎

一分細炒

晚蠶蛾

一分分

微炒

蟻娘

三枚微炙

蚱蝉

三枚微炙去蟬足

波斯青黛

一分分

入研

右為末糯米飯和丸如麻子大每服用薄荷湯下三丸若兒有三四歲大每服五丸不計時候量兒大小加減服之

蟾酥丸 治小兒急驚風口噤搐搦多涎悶亂

蟾酥

半錢
研入

乾蝎

一分
微炒

白附子

一分
炮製

龍腦

半錢

細研

麝香

半錢
研入

硃砂

二錢
細研

青黛

一錢
細研

右為末都研令勻以猪膽汁和丸如菉豆大先用研

汁化破一丸滴在鼻內良久如嚏得數聲即使以薄
荷汁化一丸不嚏者難醫量大小臨時加減

青黛丸 治小兒急驚風化痰涎定搐搦利臟腑

青黛分一錢 甘遂一錢 脓粉一錢 龍腦一錢 蟠酥
麝香一錢 半夏一分湯洗七遍焙
一分 錢 乾炒黃色為末

右為末研細用湯化蟠酥和丸如粟米大每服以薄
荷湯下二丸微瀉是効未瀉量兒大小加減服之

珍珠丸 治小兒急驚風多發搐搦或夾食腹痛面色

變青或大小便不通

珍珠末

半兩

白附子

半兩

天南星

半兩

滑石

末

一兩

膩粉

一

巴豆

三十枚去皮水浸三日取出

曝乾研如膏

右都研令勻以糯米飯和丸如黃米大百日已上兒
以葱白湯下一丸一歲兩丸三四歲三丸更量大小
看病虛實加減服之

小惺惺丸解毒治急驚風癇潮熱及諸病虛煩藥毒

上攻躁渴

臘月取東行母猪糞

燒灰存性半兩研

辰砂

水研飛半兩

麝香

一錢

地黃

兩山者半兩燒赤醋淬二次水研飛乾用

龍腦

二錢

牛黃

一錢別研

右以東流水作麪糊和丸如梧桐子大用硃砂為衣
三二歲兒每服二丸鑰匙研破溫水化下小兒初生
便宜服一丸除胎中百病

珍珠丸 治小兒急驚風發搐涎潮壯熱有痰嗽壅盛

白附子 滑石 巴豆

十五粒去油

輕粉

各一錢

天

南星

一
錢

右為末糊丸如小豆大三歲一二丸葱白湯送下一
方加蝎尾半錢

青金丸 治嬰孩兒急驚風痰涎壅盛欲下去痰退熱

右為末煮麪糊丸如麻子大每一歲五丸二歲七丸
三歲七丸大小加減薄荷茶清送下以通為度一方
加白附子○凡看小兒證候不問長幼目視指切心
究意到醫權藥衡淮鑒病之輕重所謂斟酌對治已

遵其法藥入腸胃猶合符節者上也按覩之後忖量
方法思惟療理良久始達其源用藥投藥者次也不
體全功何謂艱療非曰病之異喘乃為寃竟不若是
驚議驚風之疾有急有慢鄙夫以搐急為急搐慢為
慢斯說未當古人言陰陽癇者是也陽癇曰慢驚陽
癇夾赤齒體熱唇紅脉數牙關緊口流涎陰癇者吐
利作熱生風不有陽證惟有搐搦畢竟脉來散緩乃
是陰候無可疑惟是陽傳陰陰盛陽虧陰證作疾速

用扶裏如急驚風候陽盛陰虧陽氣剛壯當用下之使陰陽二氣均平胃榮衛二脉和順方可宜前件方藥輕則揭風盛則刦風重則青金或以珍珠丸

白花蛇丸 治小兒急驚體熱涎盛四肢拘急筋脉牽

掣

白花蛇頭

一枚自開口者生用

乾蝎

全者炒半兩

牛黄

研

龍腦

研各半分

丹砂

研一分

麝香

研一錢半

右為細末鍊蜜和為劑每服旋丸如菉豆大薄荷湯

溫水化下

虎睛丸 治小兒一臘月內急驚風客忤邪氣發歇搐
搦涎聚上壅及胎風

虎睛一對酒浸炙
令乾先搗末

牛黃一分

細研

青黛一分

細研

麝

香

半分
細研

膩粉一分

乾蝎七枝

微炒

右都細研令勻用蟾酥半錢以新汲水少許浸化如
麪糊和前藥末丸如麻子大初生及月內即以乳汁
化下一丸子百日已上兒二丸足一歲兒薄荷湯下

三丸更量兒大小加減服之一方有甘草

追風丸 治小兒急驚風甚者宜服

方見本門一切驚風類

乾蝎丸 治小兒急驚風搐搦口噤

乾蝎一分
微炒 真珠末一錢 虎睛一對酒
浸微炒 鉑霜一分

細研
臘月驢肝一分細研
炒令焦黃

右為末用鵝腦髓搗和丸如麻子大不計時候以
乳汁下一丸神効一歲已上加減服之

續隨子丸 治小兒急驚風壯熱煩亂大便結澀

續隨子

一分去皮別研

青黛

一分

盧會

一分

胡黃連末

分一麝香

一分

右都細研以糯米飯和丸如梧桐子大不計時候薄荷或溫水化破一丸服未瘥再服

宣風丸 治小兒急驚風頭熱足冷口噤面青筋脉抽

掣多痰涎熱壯甚者宜服

一名怯風丹方見本門一切驚風類

壞涎丸 治小兒急驚風喉中有涎呀哩有聲

雄黃

丹砂

鉛白霜

三味同研

水銀

用桑鍼研令星盡為度

甘草

炙為末
各等分

右研為末糯米飯和丸如黍米大每服二丸梨汁化
以下為度更量大小加減

小青丸 治小兒急驚涎盛咳嗽痰實氣粗發熱

輕粉

一錢半

滑石

一錢半

南星

一錢半

蝎尾

錢

青黛

半錢

右為末和丸如小豆大二歲五丸薄荷湯下或作散
尤佳如痰實氣喘吐瀉出痰立効

却風散 治嬰孩小兒急驚風候方作搐搦熱盛涎潮
宜下之

天南星

四枚炮去
皮為末

巴豆

四枚出
油如霜

大半夏

十枚
用甘

草水煮熟切
焰為細末

白僵蠶

一分去
絲炒

全蝎

二分去
尾炒

右研勻每服一字許煎金銀薄荷湯調下

水銀丸 治小兒急驚涎潮昏塞發搐不定

水銀

半兩用黑鉛
一分結沙子

巴豆

五十粒去皮
心膜出油

膩粉

一秤

研錢

半夏

生為末
半分

龍腦

研半

右同研勻去巴豆油如膏用油單密收每服量兒大
小旋如菉豆大一歲兒二丸煎金銀薄荷湯下須臾
利下稠涎驚搐立定更不須服

龍齒散 治小兒急驚風及四時傷寒渾身壯熱唇口
焦乾兩目翻露搐搦昏迷

龍齒二錢

丹砂半分

鉛白霜三錢

龍腦少許

天南

星

水浸七日逐日換水
切曝乾為末五錢

右為細散每服一字葱白金銀湯調下三服後出汗

立愈

銀硃丸 治小兒急驚風

水銀

結沙子半
皂子大

甘遂

二錢
擣

丹砂研

輕粉各
一錢

錢半

龍腦

半錢
研

右同研細鍊蜜和為劑子每服旋丸如半皂子大量
大小加減煎薄荷湯化下

碧石霞丸 治急驚

巴豆

去皮心膜研
油盡三十粒

硫黃

研

乳香

各一兩研

膩粉

炒一錢 青黛

研半錢

右為細研和勻用糯米飯丸如菉豆大每二歲二丸
冷薄荷湯下急驚風用棘剛子新薄荷湯研下

治小兒急驚風

白附子

一分炮製

天南星

一分炮製

天蠶子

二七枚內有物者

乾蝎

一分微炒

烏驢耳塞

皂莢子大別研

右為末研入驢耳塞令勻用糯米飯和丸如菉豆大
不計時候以熱酒研三丸服之量兒大小以意加減

治小兒急驚風頭熱足冷口噤面青筋脈抽掣多痰涎
熱壯甚者宜服

青黛 牛黃 蘆香

各一分

硫黃

半分

巴豆

三分去皮

心研紙裹
壓去油

右件都研為末以軟飯和丸如黍米大不計時候以
溫水下二丸量兒大小以意加減服之

青黛丸 治小兒急驚風

青黛 一分
細研

蛇頭一枚蜜酥
灸令黃

半夏 半兩湯洗
七遍去滑

白僵蠶

一兩
微炒

巴豆

三枚去皮心研
紙裹壓去油

右為末以酒煮麯糊和丸如菉豆大不計時候以薄

荷湯化下三丸量兒大小加減

硃砂丸 治小兒急驚風兼去心間涎

硃砂

一
分
三百
粒

皂莢

一寸
黃
炙

砒霜

一
分

巴

豆

五十枚去皮心研
用紙裹壓去油

右先為末硃砂砒霜為粉入巴豆都研令細以棗肉
和丸如黍米大一二歲每服溫水下一丸服後得吐

瀉為効

福銀丸 治小兒急驚風膈上風痰喘粗壯熱或傷乳

食渴燥腹脹或即下利

巴豆

半錢
去油

京墨

二錢
燒

水銀

并黑鉛各一錢
研黑色

右為末入麝香半字陳米飯為丸小豆大三歲三丸
薄荷湯放冷下吞下不得化下

佛手散 治小兒急驚風

天南星

一枚重一兩者用新薄荷一束搗碎
同水浸七日夜取出切作片子曝乾

丹

砂 研半錢 蜈蚣赤足全者一枚 脂粉炒研二錢

右擣末為散研勻每服一字用薄荷熟水調下一歲以上漸加至半錢若欲作丸用棗肉丸如菜菔子大一歲十九一歲已上加至十五丸亦薄荷熟水下

水銀丸 出聖惠方 治小兒急驚風咽膈痰壅迷悶口噤手

足搐搦

水銀 以棗肉一分半同研令星盡 天南星 炮 乾蝎 微炒各一分

膩粉 研分一

右擣研為末同令勻再添棗肉丸如黍米大每服五
九乳香湯下薄荷亦得量兒大小如意加減服之

利驚丸出危氏方 治小兒急驚身熱面赤又口中氣熱大

小便黃赤抽掣

青黛 輕粉各一 銀錢牽牛末半兩 天竺黃二錢

右為末水糊丸如小豆大每服二十九一歲一丸薄
荷湯下或蜜為丸如雞頭大一粒化下

金星丸 治急驚壯熱痰潮大便多日不便方見本門一切驚風

類

碧霞丹

出全
嬰方

治小兒急中卒風牙關緊急不省人事

石碌

一兩

膽礬

半兩

白礬

輕粉各一錢

立効

比驚丸

出全
嬰方

治小兒急驚壯熱喘粗涎盛頰赤大小

便不利

輕粉

滑石

各一錢半

南星

一錢

青黛

半錢

右為末糊丸如小豆大一歲二丸薄荷湯下如急驚
頭熱足冷口噤面青筋抽脈掣上膈頑痰熱壯盛者
加一丸煎桃皮一名桃符即是桃木皮也作湯送下
踈流蘊積涎熱立安痘瘡餘毒不解宜服之又去青
黛加蝎稍半錢名小青丸同治

鶴頂丸

一名紅丸子一名
桃符丸出聖惠方

治小兒急驚風壯熱吐涎

丹砂

研細各半兩

蝎稍

炒各半兩

膩粉

一錢

巴豆

去皮心膜七粒
出油七粒

右擣研為末煮麪糊丸如黍米大每服一丸煎桃仁

湯下量兒大小加減服之

碧霞丹

出聖惠方

治小兒急驚風必効

方見本門一切驚風類

搐聖丸

出聖惠方

治小兒急驚風搐搦墜涎

水銀

半兩

麝香

半分

天南星

一兩生用

右擣天南星為末次入水銀又以石腦油同擣硬軟得所又入麝香擣三二百杵如菉豆大不計時候以薄荷湯下化破一丸服之量兒大小加減

又方

出聖惠方

治急驚如搐搦偏墜風痰口眼喝邪

天漿子

三枚
生用

硃砂一錢

乾蝎一兩
生用

右為末以軟飯為丸如粟米大不計時候以薄荷湯

下兩丸量兒大小加減服之

水銀丸

出聖
惠方

治小兒急驚風化痰利胸膈

水銀

一分以棗肉
研令星盡

天南星

一分
生用

蜘蛛

半兩生
用去足

右為末以棗肉和丸如菉豆大不計時候以薄荷湯

下兩丸量兒大小以意加減

萬金散

出御藥
院方

治急驚

辰砂 輕粉 蜈蚣

一條

右等分為末用陰陽乳汁為丸如菉豆大每歲一丸

逐旋加減乳汁下

中分散 治小兒急驚定搐

螳螂一個
中分 蜥蜴一個
中分 赤足蜈蚣一條
中分

右件各隨左右一邊同為研末右治女子左治男子
有患急驚搐者每用一劑耳吹鼻內搐左即左定搐
右即右定

太白散

出全
嬰方

治小兒急驚搐搦涎盛

粉霜

二
錢

輕粉

炒各
一
錢

右為末每服一字薄荷湯調下吐涎為効

吐風散

出全
要方

治小兒急中卒風口噤不開不省人事

全蝎

一個
炒

瓜蒂

一箇
炒

赤小豆

三十
粒

右為末一歲一字溫米飲調下未吐再服

硃砂丸

治小兒胃膈脹滿急驚風吐瀉不止

方見本
門急慢

碧雲散出全
豐方 治小兒急驚風卒中涎潮氣粗不省人

事

石碌四
錢 輕粉一
錢

右為末一字薄荷湯入酒少許同調下良久先吐後利一方綠雲丹以銅青為末醋糊丸如雞頭大一丸薄荷湯磨下須臾頑痰如膠以手拽出神効

聖紅散 治小兒急風搐搦

天南星

一箇重一兩者先炮裂于五月一日用好酒浸每日換酒浸至端午日用大蝎七枚

熟蟶寄乾去
蝎用天南星

丹砂

半兩細末與天
南星同研令勻

右為末同研為散每服一字薄荷湯調下

治小兒急驚風手脚掣動不住

用蘇合香丸廣州的最好用一錢重薄荷湯同生薑自然汁各等分化下如小兒不省人事幹開牙關灌之即効

治急驚風

用遠年螺殼白者燒灰加麝香少許水調灌之

金箔如錦丸

出楊氏家藏方

治小兒急驚壯熱手足搐搦大

便秘小便澀潮發無度精神不省

金箔

別研七片

蘆會

別研七片

硃砂

別研二味各二錢

輕粉

半錢別研

蜈蚣

一條一錢黃

胡黃連

天南星

炮製半夏

半錢別研

巴豆

上三錢各二錢

右件為細末次入前四味研者藥一處勻研糯米粉糊和丸每一兩作四十九日中曬乾勿用火焙每服一丸煎金銀薄荷湯磨化下不拘時候

梨汁餅子

出楊氏家藏方

治小兒急驚壯熱涎盛膈實目睛

上視手足抽掣一切驚熱涎潮悉治之

朱砂

別研

粉霜

別研

馬牙硝

別研二錢

水銀

硫

黃

各二錢同水銀結成沙子

牛黃

別研

龍腦

別研

麝香

別研三味

各半錢

鐵粉

半兩別研

天南星

二錢為末牛膽打和却入在膽內綿繫於通氣處

風乾用

右拌同研為細末煮麪糊和丸如梧桐子大捏作餅子每服一餅子梨汁化下量兒大小加減不拘時候

天竺黃散

出楊氏家藏方

治小兒心驚蘊熱急驚搐搦神志

恍惚睡不安

天竺黃

蟬蛻去土

山梔子仁

微炒

甘草

微炒

鬱鬱

金白殭蠶

炒出
系嘴

龍齒

七味各等分

右拌為細末每服半錢煎薄荷湯調下

硃砂粉散

出楊氏家藏方

治小兒身體壯熱急驚搐搦涎潮壅塞悶亂不醒

硃砂

一錢

鐵粉

二錢

別研

右拌為末同研令勻半歲兒服一字一歲兒服半錢
煎薄荷湯調下不拘時候

人參羌活散

出永鈴方類

治初作急驚散風邪除風熱

羌活 獨活 柴胡 川芎 人參 甘草 白

茯苓 前胡 桔梗 地骨皮 天麻

酒浸焙各半兩

枳殼

一兩

哎咀每服一錢水半盞薑一片薄荷一葉棗半箇調
搐掣緊急者去節麻黃煎湯調或惺惺散加荆芥防

風亦可免得遽施腦麝

利痰丸

出如宜方

治驚風熱痰盛潮作搐搦

明礬

枯

甘草

製

南星

滑石

白附子

各半兩

巴豆

去油霜三錢

右為末麪糊丸如粟蘇子大桑白皮湯下又金銀薄荷湯下又宜杏珠丸

紅綿散

傅氏活嬰

治急驚初作潮熱發搐手足搦促口眼

斜身手反張並宜服之

天麻 人參 白附子 蘇木 防風 羌活

荆芥 麻黃去節 全蝎炒

殭蠶 紅花 紫草

茯苓 砂礗 麝香 南星 甘草

右件為末散每服一錢薄荷金銀環用綿子裹定同
煎以綿紅為度

治急驚風發熱眠睡不穩傅氏
治嬰

酸棗仁 脣粉 寒水石炒 胡黃連 使君子

糙米炮
各等分

右件為末酒煮麯糊為丸如小豆大金銀薄荷湯下
參芩散 治急驚風傷寒咳嗽身熱胸膈下不快睡臥
不安鎮心化痰涎或疹痘不能勻遍並宜服之

人參一錢半 茯神一錢 麻黃去節半兩 白朮二錢 乾葛二錢
白芍藥一錢半 升麻一錢 甘草二錢

右為末每服半錢水五分盞薄荷一葉同煮三二分
服如熱盛再與青金丹桃柳條七寸煮湯下微利相

間服

蝎尾散 治小兒急驚風神効

蝎尾

二七枚
生用

白附子

二七枚
生用

黑鉛

一錢

水銀

一錢
二味

同結炒子

附子尖

二七枚
生用

半夏

七枚湯
洗出滑

天

南星底

一七枚
生用

烏頭尖

一七枚去
皮生用

右件藥擣細羅為散每服以薄荷湯調下半字若兒在百日內者一字可分為四服如要作丸即以棗肉和丸如菉豆大以馬藿草湯下一丸臨時更量兒加減

五福丸 治急驚風

生蚯蚓一條研爛入五福化毒丹一丸再研如泥煎薄荷湯少許調化旋灌量兒大小加減服之無不効者○梁國材云洋州進士李彥直家專貨此藥一服千金以糊十口梁大有恩於李故得是方親試屢効不可不筆於冊以救嬰孩

麝犀膏 治小兒壯熱涎盛恍惚不安夜卧強語咬牙弄舌急驚潮發目睛直視牙關緊急手足驚掣項背

強直精神昏亂

天竺黃 白附子

微炮

麝金 人參

去蘆頭各一分

真珠末 犀角膏

各一錢

牛黃

別研二味

硃砂

別研二味各半

麝香

別研

龍腦

別研二味各一錢

金箔

銀箔各十片

片

右七件各為細末次入硃砂龍腦麝金銀箔同研令勻
鍊蜜為丸每一兩作四十九每服一丸煎薄荷湯化
下食後臨臥

清餅子 治小兒內積實熱外冒風邪遂作急驚偏身

壯熱筋脉抽掣涎潮壅盛目睛上視牙關緊急大小

便秘

棘剛子

十四枚去殼
取重子微炒

青黛

別研

滑石

別研

大戟

好酒半盞煮酒

浸取出焙乾

天南星

炮取心用

荆芥穗

五味各五分

右件為細末水和令勻丸如梧桐子大捏作餅子青
黛為衣每服一餅子煎薄荷湯化下不拘時候

至寶散 治小兒氣與血不和素有實熱復因外受風

邪遂致急驚。涎盛目睛直視。身熱瘺癓。大便多秘。解
潮搐清神志。

虎睛

一對酒
浸微炒

牛黃

別研

鐵粉

別研

犀角屑

細研

白附子

炮

天竺黃

人參

去外蘆頭
各二錢半

青黛

細研

硃砂

別研

大黃

三味各
半兩

細松煙墨

一兩燒煙盡
地上去火毒

龍腦

別研一錢

麝香

一分別研

右件為細末。次入研者藥和勻。如半睺兒每服一字。
周睺兒半錢。煎葱白薄荷湯調下。或涎盛咽喉腫痛。

更加細研龍腦半錢煎薄荷湯調下不計時候

奪命散 治小兒急驚風搐又治肺脹喘胸膈氣急出

入兩脇搐動陷下作坑病甚者兩鼻竅張擡肩悶亂

煩渴咳嗽聲嗄不鳴痰涎潮塞睡卧不穩死即在朝

夕世俗不識若作咽喉風或作馬脾風治之悞矣切忌不得於胸腹上灸之反為禍矣慎宜戒之

方見本門慢脾

類風

普濟方卷三百七十